

Ársskýrsla Vísindanefndar Félagsráðgjafafélags Íslands starfsárið 2021-2022

Vísindanefnd skipuðu:

Guðrún Þorgerður Ágústsdóttir, formaður
Hervör Alma Árnadóttir, gjaldkeri
Ásta Kristín Benediktsdóttir, ritari

Vísindasjóður Félagsráðgjafafélags Íslands var stofnaður árið 1989. Markmið sjóðsins hefur frá upphafi verið að efla rannsóknir félagsmanna og er eitt af hlutverkum nefndarinnar að greiða fyrir og halda lífandi umræðu um rannsóknir innan félagsins.

Vísindasjóður skiptist í tvo hluta, A-hluta og B-hluta.

A-hluti Vísindasjóðs er ætlaður til að standa straum af framhalds- og endurmenntunarkostnaði og ferða- og dvalarkostnaðar vegna námskeiða, ráðstefna og námskeiðsgjalda. Í A-hluta vísindasjóðs renna 90-100% þeirrar upphæðar sem vinnuveitendur greiða í sjóðinn og er sú upphæð greidd út í febrúar ár hvert til þeirra félagsmanna sem aðild eiga að sjóðnum, þ.e. þeirra sem greitt hefur verið fyrir í vísindasjóð. Árlega er 0-10% upphæðarinnar lagðar inná B-hluta sjóðsins en Vísindanefnd ákveður í samráði við stjórn FÍ hverju sinni það hlutfall sem lagt er inn á reikning B-hluta sjóðsins og fer það eftir stöðu sjóðsins hverju sinni. Vegna góðrar stöðu B-hluta vísindasjóðs ákvað stjórn Vísindanefndar að greiða út úr sjóðnum alla innkomu ársins 2021 til félagsmanna sem eiga aðild að sjóðnum, eða um kr. 44.000.000,-

B-hluti Vísindasjóðs er til að standa straum af kostnaði við rannsóknar- og þróunarverkefni. Hægt er að sækja um styrk í sjóðinn tvisvar á ári, fyrir 15. apríl og 15. október ár hvert. Verkefni verða að vera á sviði félagsráðgjafa og vera stéttinni til hagsbóta og framdráttar, hvað varðar faglega þekkingu. Sérstakar úthlutunarreglur og umsóknareyðublöð gilda fyrir B-hlutann og eru þær að finna á heimasíðu félagsins.

Styrkir úr B-hluta eru greiddir út um leið og búið er að samþykka þá, en formleg afhending þeirra er á félagsráðgjafaþinginu sem haldið er í tengslum við afmæli félagsins, í febrúar ár hvert. Í ár var formleg afhending rafræn í ljósi samkomutakmarkana og fór fram í rafrænni dagskrá afmælishátíðar Félagsráðgjafafélagsins 18. febrúar sl. Styrkþegum er gert að kynna niðurstöður verkefna sinna á þinginu í formi fyrirlesturs innan tveggja ára frá úthlutun eða í formi greinar í tímariti félagsráðgjafa eða sambærilegu tímariti.

Helstu verkefni Vísindanefndar eru eftirfarandi:

- Gera áætlun um starfsárið.
- Senda út tilkynningar vegna umsókna í B-hluta sjóðsins.
- Greiða árlega úr A-hluta í febrúar/mars.
- Fara yfir umsóknir í B-hluta og meta. Ákveða hámarksupphæðir til úthlutunar.
- Halda opinn nefndarfund í maí þar sem umsóknareyðublað og umsóknarferli er kynnt.
- Samþykka umsóknir eigi síðar þremur mánuðum eftir umsóknarfrest.
- Halda úthlutunar- og kynningarfund styrktarverkefna í febrúar ár hvert.
- Endurskoða störf, verklag og reglur nefndarinnar.

Vísindanefnd bárust fjórar umsóknir um styrki á árinu og voru þær allar samþykktar.

Styrkhafar árið 2021 voru: Rut Sigurðardóttir, kr. 500.000,- vegna meistararannsóknar á *þjónustu við ættleidda og fjölskyldur þeirra, fyrir og eftir ættleiðingu*. Vilborg Grétarsdóttir, kr. 500.000,- vegna meistararannsóknar á *afdrifum ungmenna eftir 18 ára aldur sem hafa glímt við vímuefnavanda og notið þjónustu barnaverndar*. Íris Ósk Ólafsdóttir, kr. 500.000,- vegna meistararannsóknar á *upplifun einstaklinga sem hafa afplánað undir rafrænu eftirliti*. Steinunn Bergmann, kr. 96.118,- vegna þýðingar á bókarkafli á spænsku um áskoranir félagsráðgjafa á Íslandi vegna Covid 19.

Fyrir hönd vísindanefndar,

Guðrún Þorgerður Ágústsdóttir